



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Qualitates discursuum.

[urn:nbn:de:hbz:466:1-54750](#)

ubi talis te oris ac famæ, virtutis & prudentiæ esse perspicerint sœculares, plurimum apud eos boni efficies. Multiplex id experientia docuit cum magna Societatis commendatione, pro qua si genuinum habes zelum, *vincendo in bono malum, zelare debes ad exemplum D. N. J. C.*

Qualitates discursuum.

3tio. *Qualitates discursuum in conversatione* cum proximo formandorum breviter perstringo illo Apost. ad Philip. 4. *Quaecunque sunt vera (non exaggeratoria, non adulatoria, aut nimium conniventia, non superstitionis, & fabulis proxima) quaecunque pudica [non insulsi aut scurriles joci aut nugæ, nam nugæ sœculares, teste S. Bern. in ore Religiosi sunt blasphemiae] quaecunque justa [juxta sanam ac solidam doctrinam, nec in præjudicium tertii] quaecunque sancta [ex Scripturis, Ascetis desumpta] quaecunque amabilia. Omne tulit punctum, qui miscuit utile dulci. Si usus, ait magnus ille Basilius, inciderit aliquando, ut sermone ad hilaritatem excitemur, danda omnino opera est, ut spirituali lepore refertasit oratio nostra, & Evangelico sale condita, ut rectæ, qua interius sit, sapientia gratum foras odorem aspiret, dupliciterque Auditorem & animi relaxatione, & intelligentia festivitate delectet] quaecunque bona fama, si qua virtus, si qualans disciplina [ex omnigenæ scientiæ ac virtutis armamentario deprompta, quæ Societatem commendant, & ad majorem DEI*

gloriam, ac proximorum salutem propagandam
deserviunt] *Hac cogitate & tractate.* Usque
huc aureum Apostoli monitum. Cui subnecto
ea, quæ ad instructionem nostram in ordine ad
discursum cum proximo, narrat Ribad. de S.P.
N. in ejus vita: *Sententiarum erat gravitate ple-
nus, non verborum copiâ, & simplex potius vide-
batur narratio, quam amplificatio ac contentio,*
*quæ pondus habebant; iis multum inhærebat. Tan-
ta erat in sermone ejus gravitas aceffacia, ut non
tam humana, quam divina haberetur. Pervica-
ces ac ferreos ita paulatim suo faciebat obedientes
imperio, ut ipsi se, suamque mutationem sâpè mi-
rarentur.*

Tempus conversationis Apostolice.

4to. Circa tempus alloquiorum & visitatio-
num sunt observanda tria.

Primo, Visitationes non debent esse nimis
frequentes, nec nimium protrahi; nam juxta
Greg. *Quod quis amplius in secreto contemplationis
latuit, verbi divini thesauros ad eos, qui se expe-
ctant, ditiones trahit.* Justò crebriùs excurrens
merito judicatur temporis fallendi, aut alterius
sensualitatis gratiâ id facere; maximè, si socium
confidentem quærat. Non tantum falluntur
sæculares, si eos cæteris meliores judicent, qui-
bus pedes continuò ad excurrendum pruriunt;
sed & ipsi, dum magis magisque eos incipiunt
nôsse, errorem suum corrigunt, & sic ex fre-
quentibus alloquiis non aliud reportas præ-
mium;